


三因方



五

方

蘇氏開萬
冊府之記

青山求精
藏書畫之

三因極一病證方論卷之十

勞瘵叙論

養安院藏書

夫骨蒸痿痺復連屍疰勞疰虫疰毒疰熱疰冷疰食疰鬼疰
等皆曰傳屍者以疰者注也病自上注下而前人相似故曰
疰其變有二十二種或三十六種或九十九種大略令人寒
熱盜汗夢與鬼交遺泄白濁髮乾而聾或腹中有塊或腦後
兩邊有小結核連復數箇或聚或散沉二默二咳嗽痰涎或
咯膿血如肺痿肺癰狀或復下利羸瘦困乏不自勝持積月
累年以至於死死後乃疰易傍人乃至滅門者是也更有蜚
尸遁尸寒尸喪尸尸疰等謂之五尸及大小附着等證不的
知其所苦无处不惡乃挾諸鬼邪而害人以三因收之內非
七情所忤外非四氣所襲雖若麗乎不內外因柰其證多端

傳變迁移難以推測故自古及今愈此病者十不得一所謂
狸骨癩肝天靈蓋銅鑑鼻徒有其說未嘗見效唯膏盲俞崔
氏穴若聞早灸之可否幾半晚既不濟也近集得經效方有
人服之頗驗謾錄于左餘缺以俟明哲

勞瘵諸證

病者增寒發熱自汗面白目乾口苦精神不守恐畏不能獨
卧其傳在肝病者增寒發熱面黑鼻燥忽二喜忘大便苦難
或復泄瀉口瘡其傳在心病者增寒發熱面青唇黃舌本強
不能嚥飲食无味四肢羸瘦吐涎沫傳在脾病者增寒發熱
面赤鼻白乾燥毛折咯嗽喘急時吐白涎或有血線傳在肺
病者增寒發熱面黃耳輪焦枯脰骨痠痛小便白濁遺瀝胃
痛傳在腎所謂勞瘵者二十四種隨證皆可考尋毛折髮焦

肌膚甲錯其蒸在皮外人竟熱自反惡寒身振瞤劇其蒸在
肉髮焦鼻衄或復尿血其蒸在血身熱煩燥痛如針刺其蒸
在脉爪甲焦枯眼昏兩脇急痛其蒸在筋版齒黑燥大杼酸
疼其蒸在骨背脊疼痛脰骨酸癢其蒸在髓頭眩熱悶口吐
濁涎眼多眵淚其蒸在腦男子失精女子白淫其蒸在玉房
乍寒乍熱中脘与膻中煩悶其蒸在三焦小便赤黃凝濁如
膏其蒸在膀胱傳道不均或秘或泄腹中雷鳴其蒸在小腸
大腹隱痛右鼻乾疼其蒸在大腸口鼻乾燥腹脹睡卧不安
白汗出其蒸在胃口苦耳聾脇下痛其蒸在膽裏急後重肛
門澁閉其蒸在回腸小腹疝痛筋脉縱緩陰器自強其蒸在
宗筋眼昏淚下時復眩暈燥怒不常其蒸在肝舌焦黑氣短
煩悶洒淅二其蒸在心唇乾口瘡胃腹脹悶畏寒不食其

蒸在脾咳嗽喘滿咯痰吐血声嘶音遠其蒸在肺耳輪焦枯脚氣酸疼起居不得其蒸在腎情想不寧无故精泄白物綿綿而下其蒸在右腎心主胞絡心南噎塞攻擊疼痛俛仰煩寃其蒸在鬲諸證雖曰不同其根多有虫啣其心肝治之不可不絕其根也

勞瘵治法

取勞虫方

青桑枝

柳枝

石榴皮

柳枝

梅枝各七莖每長四寸許青蒿豆小握

右用童子小便一升半葱白七莖去頭葉煎及一半去滓別入安息香阿魏各壹分再煎至一盞漉去滓調辰砂末半錢檀榔末一分麝香一字分作三服調下五更

初一服五更三點時一服至巳牌時必取下虫色紅者可救青者不治見有所下即進軟粥飯温煖將息不可用性及食生冷毒物合時須擇良日不得令猫犬孝服穢惡婦人見

神授散治諸傳尸勞氣殺虫方得之於清源郡王府

川椒

式斤擇去子并合口者炒出汗

右為末每服式錢空心米湯調下須痺暈悶少頃如不能禁即以酒糊為負如梧子大空心服三五丸昔人嘗為病勞婦人交婦人死遂得疾遇一異人云勞氣已入臟遂與此方令急服式斤其病當去如其言服之幾尽大便出一虫狀如蛇自此遂安續有人服之獲安濟者多矣

潤神散 治勞瘵增寒發熱口乾咽燥自汗疲劇煩燥

人參 黃芪 甘草 桔梗 麥門冬 各等分

右為末每服三錢水一盞煎七分無時自汗入淡竹葉小麥同煎

溫金散 治積勞咳嗽喘悶咯痰中有血

甘草 生用 黃芩 桑白皮 防風 去叉

杏仁 去皮尖以五味各壹兩米 麥門冬 壹分 茯苓 半兩

右為末每服二大錢水一盞入黃蠟一片如拍大同煎七分食後熱服

蛤蚧散 治積勞久咳失音方

蛤蚧 壹對去口足渴水浸去膜刮了血脈用好醋炙 訶子 煨去核 阿膠 炒

熟地黃 麥門冬 去心 細辛 去苗 甘草 各半兩

右為末蜜負如皂子大每服一九含化無時服

蘇合香圓 治傳屍骨蒸殭殭肺痿疰忤鬼氣心痛霍亂時氣

瘴瘧等方 方見九痛門

此方盛行於世大能安氣却外邪凡病自內作不曉其名者服之皆效最治氣厥氣不和吐利榮衛閉格甚有神效

疰忤中惡證治

病者卒心腹脹滿吐利不行如乾霍亂狀世所謂衝惡是也由人情神不全心志多恐遂為邪鬼所擊或復附着沉默默寢言謔語誹謗罵詈訐露人事不避譏嫌口中好言未然禍福及至其時毫髮無失人有起心已知其肇登高涉險如履平地或悲泣呻吟不欲見人其狀万端如醉如狂不可藥

幸此皆鬼神及諸精魅附着惑人或復觸犯忌諱土地神靈
為其所作非有真實但隨方俗攷驗治之方列于后
還魂湯治卒中惡感忤鬼擊飛尸諸奄忽氣絕無復甦知或
已死絕口噤不開去齒下湯或湯入口不下者分病人髮
左右捉踏肩引之藥下復增取尽一升酒更立蘇
麻黃去節湯洗三兩桂去皮式兩甘草壹兩杏仁去皮尖式
右劉散每服四大錢水一盞半煎七分去滓無時服
桃奴負治心氣虛有恍惚不常言語錯亂尸疰客忤厭夢
不祥小兒驚癇並宜服之

桃奴

柒枚別研

辰砂

半兩別研

牛黃

別研

龍腦

別研

桃仁

拾肆枚別研

雄黃

用桃葉煮水

生玳瑁

鏽過為末一兩

黑犀

石上以水磨澄去

麝香

別研一分

琥珀

別研叁分

安息香

一兩以无灰酒

斟酌多少

研飛去

砂土銀器中入桃仁琥珀熬成膏

右為末和入前膏負如雞頭大陰乾密器封閉淨室安
置煎人參湯研下一丸食後臨卧服

蘇合香負

治卒中惡忤疰

方見九痛

蟲毒叙論

江南閩中山間人以蛇虺蜈蚣蜒蚰蝮蟻等百虫同器畜之
使其自相食啖勝者為靈以事之取其毒雜以菜菓飲食之
類以害人妄意要福以圖富貴人或中之證狀万端廣如治
百蟲說或年歲聞人多死又有人家香火伏事如家先者亦
謂之蠱能病人世謂之蠱注以姓類屬五音謂之五蠱此皆
边鄙邪僻之地多有此事中都則蔑聞也

蟲證治

夫中蠱毒者令人心腹絞痛如有物嚙吐下血皆如爛肉若不即治食入五臟即死驗之令病唾水沉即是蠱有人行蠱毒以病人若欲知其姓名者以敗鼓皮燒作末飲服方寸匕須臾自呼蠱家姓名可語令呼喚將去則愈治之亦有方

丹砂圓 治蠱毒從酒食中着者方端午日合

辰砂別研 雄黃別研 赤脚蜈蚣 續隨子略 麝香一分

右為末糯米飲為負如雞頭大若竟中毒即以酒下一丸蛇蝎所螫醋磨塗之

凡例

凡諸蠱多皆是假毒藥以投之知時宜煮大豆甘草芥苳汁飲之通除諸藥毒

礬灰散 治中諸物毒

晉礬

建茶各等分

右同為末每服三錢新汲水調下得吐即效未知再作

解毒圓 治誤食毒草并百物毒救人於必死

貫衆剉去土

青黛研

甘草生各一兩 板藍根津兩洗淨日曬乾

右為末蜜負梧子大以青黛別為衣如稍竟精神恍惚惡心即是誤中諸毒急取藥十五丸爛嚼用新水送下即解此方傳得異人京師陳道士用水浸炊餅為丸尤妙如常服可三五負大解暑毒

凡中毒嚼生黑豆不腥嚼白礬味甘者皆中毒无疑

青黛雄黃散 凡始竟中毒及蛇虫咬癰疽總作即服此令毒氣不聚

上好青黛

雄黃 等分

右為細末新汲水調下式錢

蛇虫傷治法

白芷散 治惡蛇咬傷頓仆不可療者

香白芷

右一味為末水調下頃刻咬處出黃水尽腫消皮合

白礬 治蝎螫痛不可忍

白礬

半夏 各等分

右細末醞醋調貼之

五絕治法

凡魘寐產乳自縊壓溺五者令人卒死謂之五絕

半夏散 治魘寐卒死及為墻壁竹木所壓水溺金瘡卒致悶

絕產婦惡血衝心諸暴絕證

半夏

茶次湯洗去滑不拘多少

右為末每一大豆許吹鼻中即活但心頭溫者一日可治

牡丹散 治產乳血暈悶絕狼狽若口噤則拗開灌之必效

方見婦人門

救自縊法

徐徐抱解不得截繩上下安被卧之一人以脚踏其兩肩
舁挽其髮常弦絃勿縱之一人以手按據背上數動之一
人摩捋臂脛屈伸之若已強但漸屈之并按其腹如此一
炊頃氣從口出呼吸眼開而猶引按莫置亦勿苦勞之須
更可少進湯及粥清含与之令濡喉漸能嚥乃稍止
耳內令兩人以管吹其兩耳弥好此法最善无不活者自

旦至暮雖冷亦可暮至旦少雜

救壓死方

以死人安着將手袖掩其口鼻眼上一食頃活眼開仍為
執小便若初養氣絕而不能言可急劈口開以執小便灌
之打撲悶絕者亦用此

人壓死折傷准礼法君子守巖牆垂堂之戒固無是事然安
車良馬時有跌足奔輪步砌臨流未免虛舟飄瓦况行商
征賈捕獵魚人歷涉既多不測尤甚其如冤讎加害凶險
劫持打撲金瘡皆致枉夭治之不可不急也

雞鳴散治從高墜下及木石所迹凡是傷損血瘀凝積氣絕
欲死并久積瘀血煩躁疼腫叫呼不得並以此藥利去瘀
血即愈此藥能推陳致新 方見折傷門

大嶽活血丹

治男子婦人外傷內損狗咬虫傷驢馬撲墜手
足傷折一切疼痛腹中瘀血刺脇築心及左癱右緩走注
疼痛癱腫痔漏婦人冷氣入腹血脉不通產後敗血灌注
四肢吹妳腫痛並宜服之

花桑枝

取如臂大者以炭火煨赤煙盡

細墨

半斤一薄帛裹黃泥固濟令乾以火五七斤煨通赤

醋化

上盆蓋兩炊久半用

大黑豆

一斤濕布指去

亂髮

式斤皂角水淨洗用油

栗櫟

一斤栗蒲中心扁

乳香

四兩須滴乳通明者細

皂角刺

一斤燒通赤米

右六味為末入乳香膏內和杵三千下負如彈子大如

乳香少更入醋糊痛者一服一丸輕者半丸以无灰酒

一盞乳香一豆大先磨香末次磨藥末煎三五沸臨卧

時溫服以痛處就床卧如欲出汗以衣被覆仍用藥塗
磨損處忌一切動風物應婦人諸疾服者更用當歸末
一錢依法煎服有孕勿服

接骨散治跌撲脚手脛骨脆折

右以水蛭不拘於新瓦上熬令香熟勿令火過為末每
服一錢熱酒調仍入麝香半錢服折處不可手觸藥行
良久竟痛折處漸痒如蟻嗜之遂要人捻揉骨折處相
接即用杉木夾縛兩三日去之骨全矣

花藥石散

治一切金瘡打撲傷損猫犬咬傷

方見失血門

救溺死法

竈中灰兩石

右以灰堆聚急將溺者埋灰中從頭至足水出吐即活

驚悸證治

夫驚悸與怔忡二證不同驚悸則因事有所大驚或聞虛響
或見異相登高涉險夢寐不祥驚悸心神氣而涎鬱遂使驚
悸名曰心驚膽寒在心膽經屬不內外因其脉必動怔忡則
因汲二富貴戚二貧賤久思所愛遽失所重觸事不意氣鬱
涎聚遂致怔忡在心脾經意思所主屬內所因或冒寒暑溫
塞閉諸經令人忽忽若有所失恐二如人將捕中脘怔忡此
乃外邪非因心病况五飲停蓄閉於中脘最使人怔忡治屬
飲家除飲悸與外內因所治各見本門驚悸治方備列于后
溫膽湯治心膽虛怯觸事易驚或夢寐不祥或異象惑遂致
心驚膽懾无鬱生涎二与氣搏变生諸證或短氣悸乏或
復自汗四肢浮腫飲食无味心虛煩悶坐卧不安

半夏 湯洗七次 枳實 麩炒去穢 竹茹 各三兩

橘皮 去白 各兩 甘草 炙 壹兩 白茯苓 壹兩半

右劉散每服四大錢水壹盞半姜五片棗一箇煎七分去滓食前服

鎮心丹 大治驚悸 方見癩癩門

定志圓 治心驚膽懾 方見健忘門

寒水石散 治因驚心氣不行鬱而生涎 二結為飲遂為大疾 忪悸憤懣不自勝持少小遇驚尤宜服之但中寒者宜服

寒水石 煨 滑石 水飛 各壹兩 甘草 生壹分

右為末每服三錢熱則新汲水下怯寒則煎姜棗湯下入龍腦少許尤佳小兒量歲與之

自汗證治

夫自汗多因傷風傷暑及喜怒驚恐房室虛勞皆能致之無問昏醒浸 二 自出者名曰自汗或睡着汗出名曰盜汗或云寢汗若其飲食勞役負重涉遠登頓疾走因動汗出非自汗也人之氣血猶陰陽之水火平則寧偏則病陰虛陽必湊故發熱自汗如水熱自涌陽虛陰必乘故發厥自汗如水溢自流考其所因風暑涉外喜怒驚恐涉內房室虛勞涉不內外理亦甚明其問如歷節腸癰脚氣產蓐等病皆有自汗治之當推其所因為病源無使混濫如經脈別論所載但原其汗所出處初非自汗證也不可不知

正元散 治下元氣虛臍腹脹滿心脇刺痛泄利嘔吐自汗陽氣漸微手足厥冷及傷寒陰證霍亂轉筋以下冷利少氣羸困一切虛寒並宜服之常服助陽消陰正元氣溫脾胃

進飲食

人參

白茯苓

白朮各式兩

黃芪壹兩

甘草炙

烏藥去木

山藥浸炒

附子炮去皮

川芎

乾葛各壹兩

烏頭炮去皮尖

桂心各半兩

紅豆炒

乾姜炮

橘皮各叁兩

右為末每服二錢水一盞姜三片棗一個鹽少許煎七分食前冷服自汗加浮麥

牡礪散治諸虛不足及新病暴虛津液不固体常自汗夜卧即甚久而不止羸脊枯瘦心忪驚惕短氣煩倦

牡礪米泔浸去土煨取粉

麻黃根

黃芪各壹兩

右劉散每服三錢水一盞半小麥百餘粒同煎八分去滓无時一方為細末每三錢水三盞葱白三寸煎一盞半分三服

麥煎散治榮衛不調夜多盜汗四肢煩疼飲食進退肌瘦黃面

秦艽

大鱉甲醋煮三五沸淨去裙襴別用

柴胡去苗各式兩

乾漆炒青煙

人參

乾葛

川烏炮去皮尖各壹兩

玄參叁兩

茯苓

右為末每服二錢先用小麥三七粒煎湯一盞去麥入藥煎七分食後温服或臨卧服如久患後亦宜服此以退其勞倦調理經絡

桂枝湯治傷風自汗方見傷風門

卻暑散治傷暑自汗方見傷暑門

防已黃芪湯治傷温自汗方見傷風湿寒門

止汗温粉

用川芎白芷藁本為末各一分入米粉二分綿裹撲身上

消渴叙論

夫消渴皆由精血走耗津液枯乏引飲既多小便必利浸衰
微肌肉脫削指脈不榮精髓內竭推其所因涉內外而不內
外古方不原病本但出禁忌似屬不內外因藥中乃用麻黃
遠志得非內外兼并况心虛煩悶最能發渴風寒暑濕病冷
作熱入于腎經引水自救皆明文也不知其因施治錯謬醫
之太患不可不知

三消脉證

渴病有三曰消渴消中消腎消渴屬心故煩心致心火散蔓
渴而引飲經云脉軟散者當病消渴諸脉軟散皆氣實血虛
也消中屬脾瘰熱成則為消中消中復有三有寒中熱中強
中寒中陰勝陽鬱久必為熱中經云脉洪大陰不足陽有餘

則為熱中多食數洩為消中陰狂真盛不交精泄則為強中
三消病至強中不亦危矣消腎屬腎盛壯之時不自謹惜快
情縱慾極意房中年長腎衰多服丹石真氣既喪石氣孤立
唇口乾焦精益自洩不飲而利經云腎實則消不渴而小便
自利名曰腎消亦曰內消

三消治法

真珠圓治心虛煩悶或外傷暑熱內積愁煩酣飲過多皆致
煩渴口乾舌燥引飲无度小便或利或不利

知母 壹法壹分

川連 六毛壹分

苦參 壹法壹分

玄參 壹法无

鐵孕粉 壹分

牡礪 壹分

朱砂 別研

麥門冬 去心

天花粉 各半

金箔

銀箔 伯片一法

白扁豆 壹兩

右為末煉蜜入生括樓根汁少許負如梧桐子大用金

銀箔為衣每服式十九至三十九先用括樓根汁下一服次用麥門冬熟水下病退日三服忌炙博酒色次投

茯苓圓補

茯苓 酒浸 磁石 煅淬 熟地黄 山茱萸

桂心 山藥 炒 牛膝 酒浸 茯苓

黃芪 鹽湯浸 澤瀉 鹿茸 醋浸 去毛切 遠志 去心炒

石斛 覆盆子 五味子 草薢

破故紙 炒 巴戟 酒浸 兔絲子 酒浸 龍骨

杜仲 去皮剉姜汁製炒絲附子 炮去臍壹个重六分

右為末蜜圓如梧子大每服五十九空心米飲下

姜粉散 治消中多因外傷痺熱內積憂思喜啖鹹食及麪致

脾胃乾燥飲食倍常不為肌膚大便反堅小便无度

生薑 輕粉

右搜勻每服二錢匕長流水調下齒浮是效次投猪肚 貞補

附子猪肚貞

附子 炮去皮臍 檳榔 不焙 各一兩 蟹甲 一兩 當歸

知母 木香 炮 川練 剉炒 秦艽 去苗土

大黃 酒蒸 龍膽草 白芍藥 破故紙

枳殼 麸炒去穰各半

右為末分作叁分將二分入猪肚內縫定令蜜酒三升童子小便五升同入沙鉢內熬乾爛研細入一分末同搜搗為貞如梧子大每服五十貞温酒米湯下

烏金散 治熱中多因外傷燥熱內用意傷脾飲啖肥膩積積胃中致多食數溲小便過於所飲亦有不渴而飲食自消為小便者

黃丹

細墨 燒各一兩

右研勻每服三錢食後先用水一兩碗漱口待心中熱索水便以冷水調下

爛金貢 治熱中消渴止後將補精血益諸虛解勞倦去骨節間熱寧心強志安神定魄固臟腑進飲食免生瘡瘍

大猪肚 一个

黃連 壹方

蜜

生姜 各式方

先將猪肚淨洗復以葱麪醋椒等洗控乾用藥同水酒入銀石器內煮半日漉出黃連洗去蜜酒令尽剉研為細末再用酒調成膏入先洗猪肚內縫定入銀石器內

水熬爛研為膏搜下項藥

人參 貳兩

黃芪 四兩

五味子

山藥

杜仲

去皮剉姜汁淹炒絲斷

山茱萸

石斛

車前子

鱉甲 醋炙

熟地黄

新蓮肉 去皮

當歸 各式兩

槐附子 炒

白茯苓

磁石 各一方

川芎 一兩

沉香 半兩不焙

麝香 研入

兔絲子 各二方

右為末用猪肚膏搜和得所膏少則添熟蜜杵千百下真如梧子大食前温酒糯米湯任下五十真一法有白朮二兩陽起石一兩

石子齋危湯

治強中多因耽嗜色慾及快意飲食或服丹真

氣既脫藥氣陰發致煩渴引水飲食倍常陰暈常與不交精出故中焦虛熱注於下焦三消之中最為難治

薺危 石膏各冬兩 人參 茯苓

栝樓根 磁石服淬 知母 乾葛

黃芩 甘草各二兩

右劉散每用水三盞腰子一个去脂膜黑豆壹合煮至盞半去腰子大豆入藥四錢煎至七分去滓食後服下焦熱則夜間服渴止勿服次投補藥

黃連猪肚負 治強中消渴服石子薺危湯差退可服此補養

黃連去須 梁米 栝樓根 伏神各肆兩

知母 麥門冬去心各二

右末用大猪肚洗極淨入藥末縫定甑中炊極爛取出藥別研猪肚為膏搜前藥得所乾即添少蜜杵數千下負如梧子大飲服五十九食前服

胡桃負 治消腎亦云內消多因快情縱慾極意房中年少懼不能房多服丹石及失志傷腎遂致唇口乾焦精溢自出

或小便赤黃五色浮濁大便燥實小便不利而不甚渴

白茯苓 胡桃肉 附子大者一枚去皮臍切作片生薑汁一盞蛤粉乙分同煮

右等分為末蜜負如梧子大米飲下三五十負或為散以米飲調下食前服

古瓦湯 治消腎消中飲水無度小便頻數

乾葛 天花粉 人參 雞脂胫淨洗焙乾各等分

右為末每服三大錢用多年古瓦確碎煎湯調下不以時候服

鹿茸負 治失志傷腎二虛消渴小便无度

鹿茸去毛切炙冬分 麥門冬去心二兩 熟地黄 黃芪

雞脂脰麸炒 茯苓酒浸 山茱萸 破故帛炒

牛膝酒浸 五味子各叁分 茯苓 玄參

地骨皮各半 人參叁分

右為末蜜元如梧子大每服三十元至五十元米湯下

遠志圓 治心腎虛煩渴引飲曾間短氣小便自利白濁泄遺

人參 白茯苓 川姜炮各兩 牡蛎煅取粉

遠志去心姜汁製炒各一兩

右為末用茯苓一兩酒熬成膏元如梧子大每服五十

元糯米湯下

六神湯 治三消渴疾

蓮房 乾葛 枇杷葉去甘草炙

栝樓根 黃芪各等分

右為剉散每服四錢水一盞煎七分去滓溫服小便不

利加茯苓

子童桑白皮湯 治三消渴病或飲多利少或不飲自利肌膚

瘦削四肢倦怠常服補虛止渴利

童根桑白皮即未移栽者去麁皮曬乾不焙 茯苓

人參 麥門冬去心 乾葛 乾山藥

桂心各一兩 甘草半兩生用

玄兔丹 治三消渴利神藥常服禁精止白濁延年

兔絲子酒浸通軟乘溫研 白茯苓

乾蓮肉各三兩 五味子酒浸別為末稱七兩

右為末別碾乾山藥末六兩將所浸酒餘者添酒煮糊搜和得所搗數千杵丸如梧子大每服五十元米湯下

空心服

梅花湯 治三消渴利神

糯穀旋炒作爆蓬 桑根白皮厚者切細等分

右每用秤一两許水一大碗煮取半碗渴則飲不拘時

猪脊湯 治三消渴疾

大棗四十九枚去皮核 新蓮肉四十九粒去心

西木香半

甘草二兩炙

右用雄猪脊骨一尺二寸同煎藥用水五碗於銀石器煮去肉骨瀝滓取汁一碗空腹任意呷服忌生冷鹽藏等物以滓減去甘草一半焙乾為末米湯調服不以時

八味圓 治消渴小便多以飲水一斗利小便反倍之

澤瀉 茯苓 牡丹皮各各 桂心

附子炮去皮臍各二兩

山茱萸

山藥各四兩

熟地黄捌兩

右為末蜜丸梧子大每服伍拾圓米湯下食前服

文蛤散 治渴欲飲水不止

文蛤即五倍子最能回津本草在海蛤文甚失其性識者當自知之

右壹味為末以水飲任調方寸匕不以時

烏梅木瓜湯 治酒食過度中焦蘊熱煩渴枯燥小便併多遂

成消中兼治瘴渴所謂瘴渴者北人往南方瘴地多此疾

乾木瓜 烏梅打破不去仁 麥蘖炒 甘草

草菓去火半兩

右剉散每服四大錢水盞半姜五片煎七分去滓時不以

羊乳圓 治嶺南山瘴風熱毒氣入腎中變寒熱脚弱虛滿渴

黃連不拘多生栝樓根汁生地黃取汁

羊乳五羊乳牛乳人乳亦得

右以參汁和為丸如梧子大每服參伍拾九米飲下一法濃煮小麥粥飲下

渴疾有人依山谷方

單用兔絲子酒浸透直尔抄服甚効亦有將黃芪陸兩甘草壹兩作六一湯服之尤效又渴人病愈須預防發癰疽宜服忍冬圓

忍冬草不以多少根莖花葉皆可用一名老翁鬚一名蜜吸花一名金銀花以洗淨用之

右以米麴酒於瓶內浸以糠火煨一宿取出曬乾入甘草少許為末即以所浸酒為糊圓如梧子大每服伍拾負至百丸酒飲任下不以時此藥不特治癰亦能止渴并五痔諸漏

麥門冬煎治諸渴

麥門冬去心人參

黃芪各式兩白茯苓

山茱萸 山藥

桂心各壹兩黑豆三合煮去皮別研

右為末地黃自然汁或椀牛乳貳盞熬為骨丸如梧子大麥煮飲下伍拾負

竹龍散治消渴

五靈脂半兩黑豆半兩生去皮

右為末煎冬瓜子湯調下式錢

澄源丹治三消渴疾神妙

牡蠣粉 苦參

蜜陀僧 知母

水銀以白蠟半外結砂五味各壹兩

栝樓根壹兩黃丹乙兩与水銀沙同研

右為末男子用雌猪肚壹个女人用雄猪肚壹个入藥

在內以線縫定用繩縛在新磚上別用生括接根半斤
切碎同煮早晨至午時取藥出不用括接根只爛研猪
肚和藥為丸如梧子大每服三十粒食前米湯下日三
服拾日可去病根

料簡

或云渴無外所因且傷寒脉浮而渴屬太陽有汗而渴屬陽
明自利而渴屬少陰及陽毒傷寒倍重燥盛而渴甚者有中
暑伏熱累取不差而渴者有瘡毒氣染寒熱而渴者得非外
因治法如傷寒論中不復繫引酒煮黃連負治中暑熱渴最
妙又有婦人產後去血過多而渴者名曰血渴非三消類不
可不審

五疸叙論

古方叙五種黃病者即黃汗黃疸穀疸酒疸女勞疸是也觀
別錄則不止於斯然疸與黃其實一病古今立名異耳黃汗
者以胃為脾表屬陽明陽明蓄熱喜自汗汗出因入水中熱
必鬱故汗黃也黃疸者此由暴熱用冷水洗浴熱留胃中所
致以與諸疸不同故用黃字目之又去因食生黃瓜氣上薰
所致人或疑其不然古賢豈妄詮也必有之矣穀疸者由失
肌發熱大食傷胃氣衝鬱所致酒疸者以酒能發百脉熱由
大醉當風入水所致女勞疸者由大熱交接竟入水水流濕
入于脾因腎氣虛勝以所勝剋入致腎氣上行故直額黑身
黃之證世謂脾腎病者即此證也其間兼渴與腹脹者並難
治發於陰必嘔發於陽則振寒面微熱雖本於胃氣鬱發土
色上行然發於脾則為肉疸發於腎則為黑疸若論所因外

則風寒暑濕內則喜怒憂驚酒食房勞三因悉備世醫獨麗於傷寒論中不亦濫矣李者宜識之

黃汗證治

病者身軀腫發熱不渴狀如風水汗出染衣色正黃如藥汁各曰黃汗

桂枝加黃耆五兩湯治黃汗身腫汗出出已輒輕久久必身潤胃中痛腰以下無汗腰臑弛痛如有物在皮中劇者不能食煩燥小便不利

桂枝去皮

芍藥

各參兩

甘草炙

黃耆

五兩

右為剉散每服四錢水多半姜五片棗三枚煎七分去滓溫服仍飲熱粥以助藥力溫覆取微汗未汗再服

黃耆苦酒湯

治身軀洪腫發熱日汗汗如藥汁其脉沉

黃芪

伍兩

芍藥

參兩

桂心

參兩

右為剉散每服四錢苦酒三合水一盞半煎至七分去滓不以時服初服當心煩以苦酒阻故也至六七日稍自愈

黃疸證治

病者發黃身面眼悉黃如金色小便如煮藥汁名曰黃疸

麻黃醇酒

治傷寒瘀血不解鬱發於表發為黃疸其脉浮緊者以汗解之

麻黃

參兩去節

右一味以醇酒伍升煮取貳升每服一盞溫服汗出愈
秋冬用酒煮春夏用水煮

穀疸證治

病者發黃內熱食則腹滿眩暈穀氣不消胃中苦濁二氣下流小便不通陰被其寒熱流膀胱身軀尽黃名曰穀疸

穀疸圓治胃蓄痰熱氣濁食穀不消大小便不利脹滿不下食跌陽脉緊而數亦治因勞發熱二鬱發黃

苦參 參兩 龍膽草 壹兩 梔子 半兩 去皮炒 人參 三分

右為末以猪膽汁入熟蜜少許搜和丸如梧子大以大麥煮飲下伍十圓日三不知稍加之

紅圓子最治穀疸用生姜甘草湯下 方見霍亂門

酒疸證治

五疸唯酒疸變證最多蓋酒之為物隨人性量不同有盈石而不醉者有濡吻而輒亂者以醞釀而成有太熱毒滲入百脉為病則不特發黃溢于皮膚為黑為腫流于清氣道中則

眼黃鼻雖種二不同故方論中酒疸外有肉疸黑疸癖疸勞溢乃致令人恍惚失常等數證不同

半夏湯治酒疸發黃身無熱靖言了了腹滿欲嘔心煩足批或成癥癖心中搏懷其脉沉弦或緊細

半夏 洗去滑 茯苓 白朮 各三兩 前胡

枳殼 麩炒去 甘草 炙 大戟 炒各 黃芩

茵陳 當歸 各一兩

右為剉散每服四大錢水一盞半姜三片煎七分去滓空心服

三石散治肉疸飲少小便多如白泔色因酒所致其脉弦滑

凝水石 飛水 白石脂 煨 括樓根 桂心 各一兩

兔絲子 酒浸 知母 各三分

右為末每服二錢大麥飲調下

桂木湯治酒疸因下後久久為黑疸目青面黑心中如啖韭
蠶狀大便正黑皮膚不仁其脉微而數

桂心

白朮 各一两

枳實 去穢 各一两

京豉

乾葛

杏仁

甘草 各半两

右為剉散每服四錢水一盞前七分去滓食前服

當歸白朮湯治酒疸發黃結飲癖在心胃間心下縱橫堅滿
骨肉沉重逆害飲食小便赤黃此由本虛飲食生冷与脾
胃痰結所致其脉弦濇方

白朮

茯苓 各一两

當歸

黃芩

茵陳 各一两

前胡

枳實 去穢 各一两

甘草 炙

杏仁 各二两

半夏 湯洗 各一两

尖 各二两

湯洗 各一两

枳實 去穢 各一两

右剉散每服四大錢水一盞姜朮片前七分去滓食前

人參飲治飲酒房勞酒入百脉令人恍惚失常

人參

白芍藥

括樓根

枳殼 去穢 各一两

茯苓

酸棗仁

甘草 炙 各一两

熟地黄 各一两

如神散治酒毒不散發黃久浸漬流入清氣道中宜引藥
內鼻滴出黃水愈

苦瓠子 去皮

苦胡蘆子 去皮 各七

个

黃黍米 立

安息香 子大

式皂

右為末以一字搐入鼻中滴出黃水一升忌勿吹或過
多即以黍穰燒灰射香末各少許搐鼻立止

女勞疸證治

夫交接輸瀉必動三焦上焦屬心中焦屬脾下焦屬腎動則

三十四
三十三
熱二則慾火熾因入水中二焦熱鬱故能發黃下焦氣勝故額黑上焦走血隨痰熱行大便溏黑貴勝人有男女同室而浴者多成此病攝生之人不可不知

滑石石膏散治女勞疸身黃額黑日晡發熱惡寒小腹急足下熱其脉浮緊腹成滿者難治

滑石

石膏煨各等分

右為細末以大麥粥飲調下二錢匕日三四小便極利則差

消石礬石散治女勞疸其腹臃脹膀胱急欲作水狀大便黑者非水其脉滑腹滿者難治

消石

礬石煨汁尽

右為末每服二大錢大麥汁調下日三重衣覆取汗病

隨大小便出大便黑小便黃是效

雜勞疸證治

五疸之外有時行瘴癘風寒暑濕等證疸不同

茵陳梔子負治時行病急黃及瘴癘疫癘

茵陳

梔子去皮尖 芒消

杏仁去皮尖炒各三分

豆豉

式分半湯浸軟別研

栢山

蟹甲

醋炙各半兩

巴豆去皮壓去油壹分

大黃

蒸壹兩壹分

右為末餵飴為丸如梧子大每服三九飲下吐利為效未知加一九資體氣有異急服之妙

艾煎負治因傷風痰熱不解發為風疸卒身皆黃小便或黃或白寒熱好卧不欲動其脉陽浮陰弱

生艾

三月採束搗取汁銅器煎如膏

大黃

蒸

黃連炒

括樓根

凝水石煨

苦參

葶藶各等分

右為末以艾膏和得所丸如梧子大初服六七丸漸加至二十九丸有挾加苦參渴加括樓根小便澁加葶藶小便多加凝水石小便白加黃連大便難加大黃所加並倍之

方見傷暑門

五苓散治伏暑鬱發黃小便不利煩渴用茵陳煎湯調下

礬石滑石散治濕疸始得之一身尽疼發熱面色黑黃七八

日後壯熱二在裏有血下如猪肝狀小腹滿者急下之身目尽黃小便不利其脉沉細

凡石煨

滑石各等分

右為末每服二大錢大麥粥飲調下日三服食前便利

如血者效或汗愈

苦參散治人无漸忽然振寒及膚麤塵出小便赤澁大便時秘氣无異食飲不妨服諸湯不除因為久黃方

苦參

黃連

葶藶

黃蘗去皮

大黃各一分

葶藶妙半兩

右為細末每服一大錢飲調服當吐下隨時消息加減

小半夏湯治黃疸小便色不異欲自利腹滿而喘者不可除熱二去必噦

半下湯洗七次

右為剉散每服三錢水二盞姜十片煎七分去滓不以時候服

養榮湯治五疸脚弱心忪口淡耳響微寒發熱氣急小便白

濁當作虛勞治之 方見虛損門

三因極一病證方論卷之十終

三因極一病證方論卷之十

脹滿叙論

內經有鼓脹太素作穀脹治法雖詳而不論其所因原其脹滿之端皆胃與大腸二陽明為二太陰之表大抵陰為之主陽為之正或藏氣不平勝剋乘剋相感相因致陰陽失序遂有此證假如怒傷肝肝剋脾脾氣不正必脹於胃名曰勝剋或怒乘肺肺氣不傳必脹於大腸名曰乘剋憂思聚結本臟氣鬱或實或虛推其感涉表裏明之皆內所因或冒寒暑風濕隨其經絡傳至陽明致脹滿者屬外所因飲食飢飽生冷甜膩聚結不散或作胚塊膨脹滿悶屬不內外因當知脹滿該涉三因須以人迎氣口分其內外脉息虛實審其溫利詳而調之無失機要不尔則為腹心痼疾坐受困踣不可不謹

脹滿證

論云五積久而必心腹脹滿且五積以五臟氣不平肝為肥氣心為伏梁肺為息奔脾為痞氣腎為奔豚皆聚結胚塊隨所生所成之日分推而究之皆喜怒哀思乘尅勝尅相因相感如斯等類從五積法治之可也但內所因不待成積即為脹滿亦當隨其臟氣而平治之所謂虛實補瀉太過不及以經調治

大半夏湯治肝氣不平勝尅於脾脾鬱不行結聚涎沫閉於臟氣腑氣不舒胃則脹滿其脉弦遲故知中虛胃冷脹滿服此可下氣進食

半夏湯洗七次去滑 桂心 各五兩 附子炮去皮臍 人參 甘草炙 厚朴姜炙 當歸 茯苓

枳殼麩炒去穢各五兩 川椒炒出汗去合 右為剉散每服四大錢水一盞半姜五片棗三個煎七分去滓食前服

千金溫胃湯治憂思聚結脾肺氣凝陽不能正大腸與胃氣不平脹滿衝效食不得下脉虛而緊瀆

附子炮去皮臍 當歸 厚朴去皮生用 人參 橘皮 白芍藥 甘草炙各兩 乾姜壹兩 川椒炒出汗去合

附子粳米湯治憂怒相乘神志不守思慮兼并擾亂藏氣不傳導使諸陽不舒反順為逆中寒氣脹腸鳴切痛胃脇滿嘔吐不食

附子壹个生去皮 半夏湯洗七次 硬米各叁錢半字

甘草壹字 乾姜壹分千金方如此

右劉散每服四大錢水二盞棗三個煎七分去滓空心

七物厚朴湯治腹滿發熱以陽并陰則陽實而陰虛陽盛生外熱陰虛生內熱脈必浮數浮則為虛數則為熱陰虛不能宣導飲食如故致脹滿者為熱脹

厚朴姜製炒壹兩 甘草炙壹分 大黃各叁字 枳實熬半兩 桂心壹分

右為劉散每服四大錢水盞半姜七片棗三個煎七分去滓食前服嘔者加半夏一分利者去大黃寒多加生薑十片煎

麝香綿灰散治腹虛脹滿朝經暮急服諸藥不差惡風不能

宣泄彭二鼓脹

寒蚕綿燒灰半兩 麝香別研半分

右研細令勻每服一大錢匕濃煎薄苛湯調下酒服尤佳不以時一法有乾漆炒大煙出量虛實用之虛則不用
溫中湯治虛人老人飲啖生冷多致腹脹心下痞滿有妨飲食或刺痛泄利氣痞滯悶

厚朴去皮細剉 甘草剉細 生姜洗切 青州棗切各等分

右上一二件擣令得所方入生姜再杵令勻取出同棗焙令浥二微燥却入鍋內慢火炒至紫色再焙乾為細末每服一大錢擦生薑少許沸湯點空腹服以知為度氣味殊姜兼能愈疾又易修合

料簡

上件諸方如內因而不內外因皆可選用若外因傷風傷寒傳至陽明經腹脹可以大承氣杏子湯等各見本門濕脹木附湯加茯苓桂心暑脹黃龍負皆良藥也更有脚氣支滿脾橫泄及五疸石水婦人腸覃血膨或單二腹脹之證治之各見本門李者當審詳為治無致混濫失其機要也

霍亂叙論

夫霍亂之病為卒病之最者以人起居無它揮霍之間便至變亂悶絕不救甚為可畏臨深履危不足以諭有生之流不可不達其旨趣蓋其病因涉於內外不內外三種具備而讀傷寒論者見有本是霍亂今是傷寒之說便謂霍亂即傷寒殊不知因傷寒致霍亂只是外因一證尔况風暑濕皆有此證殊不知喜怒憂思飲食飢飽皆能致霍亂之證故不得不

備論

霍亂諸證

霍亂者心腹卒痛嘔吐下利增寒發熱頭痛眩暈先心痛則先吐先腹痛則先下心腹俱痛吐利並作甚則轉筋入腹則斃霍亂惡證無越於斯此蓋陰陽反戾清濁相干陽氣暴升陰氣頓墜陰陽痞隔上下奔逸扶救不先治之唯宜溫煖更詳別三因隨內外以調之不尔則坐視困踣也

霍亂外因調治

諸惡風惡寒有汗無汗重着煩毒皆外所因蓋傷風則惡風有汗傷寒則惡寒無汗冒濕則重着傷暑則執煩此雖常論揮霍之間倉卒不辨遂致錯誤亂經反常為害不淺豈止本為霍亂今是傷寒而已哉當隨外所因治之乃可

理中湯治霍亂吐下脹滿食不消心腹痛

人參 乾姜炮 白朮 甘草炙各

右為劉散每服四大錢水一盞煎七分去滓食前遠行
防霍亂煉蜜元如梧子大每服三五十元如作散每服
方寸匕酒調下亦可若轉筋加煨石膏三兩若臍上築
者腎氣動也去朮加桂心四兩腎惡燥故去朮恐作奔
豚故加桂吐多者去朮加生姜三兩下多者復用朮悸
者加茯苓二兩渴欲得水加朮合前成四兩半腹中加
人參合前成四兩半若寒者加乾姜合前成四兩半腹
滿者去朮加附子服藥後食頃食粥一盃微自溫覆
勿發揭衣被噦則加丁香吐利止身體痛不休者審其
元因以和解之如初因傷風用桂枝之類所謂治有也

外因料簡

凡外所因必自經絡傳入臟腑須以脉證推其所因隨經調
之則尽善矣假如傷寒在太陰經當用四逆湯少陰經當用
附子麻黃湯厥陰經當用理中湯若在太陽經還用麻黃湯
陽明經養胃湯少陽經小柴胡湯風暑濕亦然風則桂枝湯
暑則香茹飲五苓散濕則苓朮湯滲濕湯皆可於諸門隨證
檢用不復繁引

霍亂內因證治

諸大喜傷心則氣散大怒傷肝則氣激憂傷肺則氣聚思傷
脾則氣結恐傷腎則氣却驚傷膽則氣亂藏氣既鬱聚結延
飲痞隔不通遂致滿悶隨其勝復必作吐利當從外所因之治
七氣湯治喜怒憂思悲恐驚七氣鬱發致五臟互相刑剋陰

陽反戾揮霍交亂吐利交作寒熱眩暈痞滿咽塞

半夏 湯洗五兩 厚朴 姜製 桂心 各各兩 茯苓

白芍藥 各四兩 紫蘇葉 橘皮 各各兩 人參 壹兩

右為劉散每服四錢水盞半姜七片棗一个煎七分去滓空心服

胃氣圓 治憂思過度脾肺氣閉聚結涎飲留滯腸胃氣鬱於

陰凝寒於陽陰陽反戾吐利交作四肢厥冷頭目眩暈或復發熱兼治老人胃寒大便反秘妊娠惡阻全不納食

硫黃 不拘多少猪藏內縛兩頭以米泔酒童子小便各壹碗煮乾壹半取出洗斷穢氣控乾秤拾兩 半夏 湯洗去滑 白茯苓 人參 各壹兩 石膏 壹分煨法同硫黃

右為末生姜自然汁釋炊餅糊為丸如梧子大每服伍十元至百元空腹米湯入少生姜汁下

真珠散 治喜怒不常憂思兼并致臟氣鬱結留積涎飲胃腹

滿悶或復疔痛憎寒發熱吐利交作

附子 式个壹生壹 半夏 湯洗叁七次去滑壹兩半 成煉鍾乳 各半兩 辰砂 叁錢別研 滑石

右為末每服二錢水二盞姜七片霍香三葉蜜半匙煎七分食前冷服小便不利加木通茅根煎

不内外因證治

諸飽食膾多恣殮乳酪水陸珍品脯醢雜穀快飲寒漿強進旨酒耽縱情慾不節以胃為五臟海因脾氣以運行胃既膈脹脾臟停凝臟氣不行必致鬱發遂成吐利當從不外内因治之

紅圓子 治脾胃虛冷飲食不節宿食留飲聚癖腸胃或因氣

不調衝冒寒濕忽作霍亂吐利併作心腹絞痛腸胃纏刺
疲芥木勝

蓬朮剉

三稜剉各式兩同以
米醋煮壹伏時

胡椒壹兩

青皮叁兩炒阿魏壹分

右為末醋化阿魏入陳米粉為糊丸如梧子大九朱為
衣每服一百丸至二百丸煎生姜甘草湯下

胡椒湯治霍亂吐利極妙

胡椒

菘豆叁七粒

右為末煎木瓜湯調下

訶子散治霍亂吐利一服取效方見九痛門

霍亂凡例

轉筋者以陽明養宗筋屬胃為大腸今暴下暴吐津液頓亡

外傷四氣內積七情飲食甜膩攻閉諸脉枯削於筋宗筋失
養必致挛縮甚則卵縮舌卷為難治

木瓜湯治霍亂吐下不已卒轉筋入腹則悶絕

乾木瓜壹兩

吳茱萸半兩湯洗七次茴香壹分

甘草炙壹錢

右為剉散每服四大錢水一盞半姜三片紫蘇十葉煎
柒分去滓食前服

煩渴者以陰陽反戾清濁相干清氣干濁水與穀併小便秘
溢既走津液腎必枯燥引水自救煩渴必矣

茯苓澤瀉湯治霍亂吐利後煩渴欲飲水

茯苓八兩

澤瀉四兩

甘草炙式兩桂心式兩

白朮三兩

右為剉散每服四大錢水一盞姜三片煎七分去滓食

前服一方有小麥伍兩

水浸丹治伏暑傷冷三熱不調霍亂吐利口乾煩渴

黃丹壹兩 壹分 炒 巴豆貳十伍个 去皮心

右同研勻用黃蠟鎔作汁和為丸如梧子大每服五丸以水浸少頃別以新汲水吞下不以時候

乾霍亂者忽然心腹脹滿絞刺痛疼蠱毒煩冤欲吐不吐欲利不利狀若神靈所附頃刻之間便致悶絕亦涉三因或臟虛或腸胃素實故吐利不行

鹽湯治乾霍亂及蠱毒宿食不消積冷心腹煩滿鬼氣

極鹹鹽湯三升熱飲一升刺口令吐宿食使尽不吐更服吐訖復飲三吐乃止此法大勝諸治俗人以為田舍淺近鄙而不用守死而已凡有此病即先用之

嘔吐叙論

嘔吐雖本於胃然所因亦多端故有寒熱飲食血氣之不同皆使人嘔吐據論云寒氣在上憂氣在下一氣並爭但出不入此亦一塗未為尺論且如氣屬內因則有七種不同寒滲外因則六淫分異皆作逆但鬱于胃則致嘔豈拘于憂氣而已况有宿食不消中滿溢出五飲聚結隨氣翻吐痼冷積熱及瘀血凝閉更有三焦漏氣走嘔吐利泄血皆有此證不可不詳辨也

寒嘔證治

病者胃中寒心下淡三四肢厥冷食即嘔吐名曰寒嘔或因傷食多致傷胃氣或因病曾經汗下致胃氣虛冷之所為也
四逆湯治寒嘔脉弱小便復利身有微熱見厥者難治

甘草壹斤

炙乾姜叁分

附子

陸錢重生
去皮臍

右為劉散每服三錢重水二盞煎七分去滓食前溫服

生硫黃圓治同前

硫黃不拘多少

右一味以柳木槌研細生姜汁釋炊餅糊為丸如梧子大每服伍十九米湯下食前

靈液丹治胃中虛寒聚積痰飲食飲不化噫醋停酸大便反堅心胃脹滿惡聞食氣婦人妊娠惡阻嘔吐不納食者

硫黃打碎

附子

去皮臍切如菘豆大各壹兩

菘豆

四兩用水壹
椀煮乾焙

右為末生姜自然汁煮麪糊為丸如梧桐子大每服伍十九米湯下食前服

熱嘔證治

病者胃中挾熱煩燥聚結涎沫食入即吐名曰熱嘔或因胃熱伏暑及傷寒伏熱不解濕疸之類皆熱之所為也

小柴胡湯

治熱嘔方見傷寒門

治法曰病者嘗發汗令陽微隔氣虛脉乃數二為客熱不能消穀胃中虛冷故吐當作寒嘔治之不可用此

痰嘔證治

病者素盛令瘦腸中瀝三有聲食入即嘔食而飲並出名曰痰嘔或因氣鬱凝結於胃口或因酒食甜冷聚飲之所為也
大半夏湯治心氣不行鬱生涎飲聚結不散心下痞鞭腸中瀝又有聲食入即吐

半夏

式兩湯洗
拾次完用

人參

叁錢叁字切

右分四服每服水三盞蜜二錢重和水揚令勻入藥前

至六分去滓温服一法有生姜七片 治法曰嘔家先
渴今反不渴者以心下有支飲故也治属支飲

茯苓澤瀉湯治同前 方見霍乱門

食嘔證治

病者胃腹脹悶四肢厥冷惡聞食臭食入即嘔朝食暮吐暮
食朝吐名曰食嘔此由飲食傷脾宿穀不化之所為也

大養胃湯治飲食傷脾宿穀不化朝食暮吐暮食朝吐上氣
復熱四肢冷痺三焦不調及胃虛寒氣在上憂氣在下二
氣並爭但出不入嘔不得食

- 厚朴 去皮
- 山藥 炒
- 當歸
- 人參
- 川芎
- 橘皮
- 甘草 炙
- 肥棗 三兩剉上
三味同炒
- 白朮
- 生薑 炙
- 五味子
- 藿香

枇杷葉 刷毛
姜炙 黃芪 各壹兩

右為剉散每服四錢水一盞半姜三片棗一个煎七分
去滓空心服或為細末米湯調下亦快

治中湯治同前兼治中寒飲食不化吞酸嘔吐食則彭脹
滿嘔逆

- 人參
- 白朮
- 乾姜 炮
- 甘草 炙
- 青皮
- 陳皮 各等分

右為剉散每服四大錢水一盞半煎七分去滓大便秘
入大黃葶子大兩枚

血嘔證治

病者心下滿食入即嘔血隨食出名曰血嘔此由瘀蓄冷血
聚積胃口之所為也

茯苓湯治憂怒兼并氣攻血溢停留胃管暖聞血腥嘔吐食
飲及妊娠中脘宿冷冷血侵脾惡聞食氣病名惡阻

半夏冬兩湯洗七次茯苓

熟地黄各壹兩橘皮

細辛

人參

芍藥

川芎

旋復花

桔梗

甘草各壹兩

右為剉散每服四大錢水二盞姜七片煎七分去滓空
心服有客熱煩渴口瘡者去橘皮細辛加前胡知母腹
冷下利者去地黄入桂心炒胃中虛熱大便秘小便澀
去地黄加大黃一兩八錢黃芩六錢

當歸湯治三焦虛損或上下發泄吐唾血皆從三焦起或因
熱損發或因酒發悉主之

當歸

乾姜炮

熟地黄

藥皮

小薊

羚羊角鎊

阿膠各壹分白朮

芍藥

各半兩

黃芩

甘草各壹分

右為剉散每服三錢水二盞竹茹一塊如指大煎至八
分去滓入伏龍肝半錢七頭髮灰半錢七蒲黃半錢七
再煎至七分不以時候服

氣嘔證治

病者心膈脹滿氣逆於胃間食入即嘔三升却快名曰氣嘔
胃者足陽明合榮於足今隨氣上逆結於胃口故生嘔病也
茱萸人參湯治氣嘔胸滿不納食嘔吐涎沫頭疼

吳茱萸

湯洗數次五兩

人參冬兩

右為剉散每服四大錢水一盞半姜五片棗三枚煎七
分去滓不以時候服

藿香湯治心下虛滿飲食不入時二嘔吐噎二短氣或大病將理不復胃氣無以養日漸羸弱

藿香

人參

桂心

桔梗

木香

白朮

各半兩

茯苓

半兩

枇杷葉

半片
去毛

半夏

壹兩湯洗
用姜汁製

右為劉散每服五錢水二盞入炒姜絲一分煎七分去滓空心服

漏氣證治

病者身皆皆熱肘臂痠痛其氣不續膈間厭悶食入則先吐而後下名曰漏氣此因上焦傷風開其腠理上焦之氣慄悍滑疾遇開即出經氣失道邪氣內着故有是證

麥門冬湯治上焦伏熱腹滿不欲食食入胃未定汗出身背

皆熱或食入先吐而後下名曰漏氣

麥門冬

去心
生蘆根

竹茹

白朮

各五兩

甘草

炙
茯苓

各式兩

橘皮

人參

萎蕤

各三兩

右為劉散每服四大錢水一盞半姜五片陳米一撮煎七分去滓熱服

走哺證治

病者下焦實熱大小便不通氣逆不續嘔逆不禁名曰走哺此下焦氣起於胃下口別入回腸注於膀胱并与胃傳糟粕而下大腸冷大小便不通故知下焦實熱之所為也

人參湯治下焦伏熱氣逆不續大小便不通嘔吐不禁名曰

走哺

人參

萎蕤

黃芩

知母

茯苓

白朮

橘皮

生蘆根

枳子仁各半

石膏煨壹兩

厚朴湯治乾嘔三而不逆熱少冷多好唾白沫清涎噫氣吞

酸此由上焦閉塞

厚朴

白茯苓

川芎

白朮

玄參

吳茱萸湯洗各半兩

桔梗

附子炮去皮臍

人參

橘皮各等分

右為劉散每服四大錢水一盞半姜五片煎七分去滓

溫服

三物猪苓散治嘔吐病在膈上思水者是欲解也

猪苓

去皮

白茯苓

白朮

各等分

右三味末之飲服方寸匕

凡例

凡先嘔却渴者此為欲解先渴却嘔者為水停心此屬飲家又傷寒差後餘熱在胃嘔者依傷寒後證治之若脚弱脾疼而嘔者此脚氣內攻宜急依脚氣門治之更有婦人懷妊惡阻嘔吐亦各從其門類或中毒而嘔以解毒藥解之酒家嘔吐當以解醒藥解之其如三焦漏氣走哺嘔吐則見上門泄利則見下利門各從其類也欲嘔不得輕用利藥唯腹滿則視其前後何部不利二之即愈

噦逆論證

噦者咳逆也古方則謂之噦凡吐利後多作噦大率胃實即噦胃虛則噦此由胃中虛膈上熱故噦或至八九声相連收

氣不回至於驚人者若傷寒久病得此甚惡內經所謂壞府者是也楊上善釋云津洩者如盪器之漏聲嘶者如琴絃之絕葉落者如槁木之摧卒此三物衰壞之微以比噦故知是病深之候也亦有噦而心下堅痞眩悸者以膈間有痰水所為其他病則各有治法

噦治法

橘皮竹茹湯治咳逆嘔噦胃中虛冷每一噦至八九声相連收氣不回至於驚人

橘皮 式兩

人參 壹兩

甘草 炙半兩

右劉散每服四錢水一盞半竹茹一小塊姜五片棗二個前七分去滓无時服

羌活散止咳逆

羌活

附子 炮

茴香 炒各半兩

木香

乾姜 炮

丁香 各壹兩

右末每服二錢水七分盞蓋少許煎數沸空心服

丁香散治咳逆噎汗

丁香

柿蒂 各壹錢

良姜 各半錢

右末用執湯點二錢乘熱无時服

又一方產後咳逆方見婦人門

醋噫證治

夫中脘有飲則嘈有宿食則酸食後噫醋吞酸皆宿食証俗謂之噯酸是也

麴木圓治中脘有宿食留飲酸蟄心痛口吐清水暖宿腐氣

神麴 炒叁兩

蒼朮 日

甘浸叁宿洗淨

陳皮 壹兩

右為末生姜汁別煮神麩末糊為負如梧子大每服三
五十負姜湯下无時

五百圓治宿食留飲聚積中脘噫臭吞酸心腹疼痛并療中
虛積聚及臟腑殮泄赤白痢下

丁香 巴豆去皮研縮砂仁 胡椒 烏梅去核

右件各一百个為末炊餅糊為元如棗豆大每服五七
丸熟水下食後臨卧服

繫氣叙論

夫繫飪之邪從口入者宿食也蓋五味入口所以滋養五臟
得之則生不得則死傷之則反為生害所以宿食為雜病之
先若五臟不平食不輸化血凝氣滯群證蜂起皆宿食所為
也治之當量其臟腑虛實淺深為治養生方戒不得用巴豆

令服青木香元如有食癖非巴豆不克所謂擾乎可擾亦擬
木香圓用牽牛牽牛最瀉人腎不徒不能消食積而又害於
元精識者知之其病頭痛惡風憎寒心腹脹滿下利不欲
食吞酸噫宿腐氣若胃實熱食反留滯其脉數而滑宜下
之愈若脾虛其脉浮大按之反濇尺中亦微濇宜溫藥消

繫氣治法

如神木香圓治繫氣聚結癥瘕胃腸悶痛或吐酸水食後噫
作生熟氣腹脹泄瀉及四肢浮腫

木香 礞砂滴淋 蓬木炮 半下漿水煮

乾漆炒火煙 胡椒各半兩 縮砂仁 桂心

青皮各冬 附子炮去皮 三稜醋煮三宿 白姜炮壹兩

右末蜜圓如梧子大每服三五十元生姜橘皮湯下空

感應圓

大乙神明再造

治虛中積冷氣弱有傷不能傳化心下堅兩兩

脇膨脹心腹疼痛噫宿腐氣及霍亂吐瀉或復遲瀝久利赤白膿血相雜米穀不消久病形羸面黃口淡不能飲食

肉豆蔻

川姜炮

百草霜各二兩 木香 壹兩半

萹澄茄

京三稜炮各壹兩

巴豆壹伯粒去皮心別研 杏仁壹伯粒去皮尖別研

酒蠟四兩

油壹兩

丁香壹兩

右除巴豆杏仁外並為細末次下巴豆杏仁等和勻先將油煎蠟令鎔化傾在藥末內和成劑入臼內杵千餘下旋元如菉豆大每服三五丸熟水吞下食後臨卧服小兒如黍米大二三圓

泄瀉叙論

方書所載瀉利與經中所謂洞泄飧泄溇泄溢泄濡泄水穀

注下等其實一也仍所因有內外不內外差殊耳經云寒甚為泄春傷風夏飧泄論云熱濕之氣久客腸胃滑而利下皆外所因喜則散怒則激憂則聚驚則動藏氣隔絕精神奪散必致溇泄皆內所因其如飲食生冷勞逸所傷此不內外因此此類推隨證主治則不失其病源也

虛寒泄瀉治法

桂香圓治臟腑虛為風濕寒所搏冷滑注下不禁老人虛人危篤累效

附子

炮去皮臍

肉豆蔻炮

白茯苓

各壹兩

桂心

白姜炮

木香炮各半兩

丁香壹分

右末糊負如梧子大米湯下五十元空心

香朴圓

治腸胃虛冷泄瀉注下无度脾虛氣閉不進飲食

厚朴伍兩姜汁製炒白朮

白香炒

陳皮各叁兩

訶子炮去核赤石脂煨各壹兩半

右末麩糊圓梧子大空心米湯下五十元常服煖腸胃

建脾圓治虛勞羸瘦身重胃冷飲食不消洩瀉不止或作滯

下久變五色穢臭

赤石脂煨鍾乳粉各一兩半枯礬各乾姜炮茯苓酒浸

石斛酒浸五味子桂心澤瀉桑寄生

遠志去心炒人參柏子仁當歸酸石榴皮

龍骨煨天雄炮去皮臍牡礪粉白頭翁甘草各壹兩

右末蜜圓梧子米湯下三十圓空心

豈菱分氣飲治臟腑虛寒泄瀉瘦極及婦人產後洞洩危篤者

藿葉藁草豆蔻仁青皮甘草炙

丁香各半兩肉豆蔻炮拾兩烏梅伍拾个去仁

右劉散每服四錢水二盞糯米一撮煎七分去滓空心

羊肉扶羸圓治脾胃不和不進飲食臟腑虛滑老人虛宜服

精羊肉壹斤半微斷血脉白姜炮壹兩川椒去目炒

肉豆蔻煨各壹兩木香壹分附子炮去皮臍神麩炒各半兩

右末煮粟米飲為元如梧子大食前米湯下五十圓

川椒圓治臟虛泄瀉无度

黃連炒烏梅肉當歸川椒炒出汗桂心乾姜炮各等分

右末糊圓梧子大每服三五元米湯空心下

實執泄瀉治法

小承氣湯治下利譫語者有燥屎故也方見傷寒門夫泄瀉

却用大黃者乃通因通明也非大實執勿輕用之

冷熱泄瀉治法

博濟香薑散治久患脾泄瀉

生薑四兩 黃連壹兩

右皆剉如豆大一処慢火炒令姜焦赤去姜碾黃連為細末每服二錢空心膈茶清調下或將姜為末米飲調治白痢亦效

建脾散治五泄或青白五色雜下休作无時

烏頭炮去皮尖參分 厚朴去皮剉 甘草炙 乾姜炮各壹分

右為末每服二錢水一盞姜三片煎七分熱服

止瀉如神圓

川烏頭肆兩米泔浸軟去皮切片用鹽津兩炒黃去鹽不用 半夏湯洗條次去滑 蒼朮各半斤米泔浸淨洗

右末姜汁糊圓梧子大空心米湯下五六十圓

戊巳圓治脾胃受濕泄利不止米穀不化小兒疳痢並宜服

黃連 吳茱萸湯洗 白芍藥各等分

右同炒為末米糊圓梧子大每服三十元米湯空心下小兒量与之

補脾湯治脾泄不止食積不消癥瘕塊結臟毒利腹痛腸鳴

麥蘖炒三兩 神麴炒三兩 茴香炒 草果逐個用麪裹煨熟

厚朴製 乾姜炮 陳皮各壹兩 木香生 甘草炙各半兩

右末脾泄瀉訶子湯入鹽調下二錢脾虛腸鳴氣不和瀉不止炒姜酒調下常服鹽湯點空心食前服

料簡

凡治瀉瀉先理中焦如理中湯圓等是也次即分利水穀如五苓散等是也治中不效然後斷下即用禹餘糧赤石脂等是也玉機真臟論云五虛死謂脉細皮寒少氣前後泄利飲

食不入得此必死其有生者漿粥入胃泄注止則活也又金匱云六腑氣絕於外者手足寒上氣脚縮五臟氣絕於內者下利不禁甚者手足不仁脉沉弦者為下重脉大者為未止泄利手足厥冷无脉灸之不温脉不還微喘者死有微热而渴自汗脉或微弦数弱法並當自愈或脉遲沉而面少赤身微热鬱冒汗出而解必微厥所以然者以其面戴陽下虛故也泄利後腹脹滿身体疼痛者先温其裏宜四逆湯後攻其表宜桂枝湯上件金匱節文雖於三因不甚分明其脉不可不究既用四逆治傷寒不妨用桂枝加附子治傷風木附加桂治傷湿五苓散治傷暑皆可類推。又古方泄利与滯下共為一門千金又以宿食不消在热痢類門混濫後李雜明不可甄別也

三因極一方論十一卷終

三因極一方論卷之十二

滯下叙論

經中所載有血溢血泄血便注下古方則有消濃血及泄下近世並為痢疾其實一也但以寒热疴蠱分為四門未為至當且疴蝕瘡膿中蠱下血与利膿血證狀大别疴蝕雖下赤白當在疴湿瘡門蠱利清血當在中毒蠱門今之滯下赤白者至多皆是冷热相搏非干疴湿蝕瘡類下利清血亦多与中蠱毒者大異臨脉須詳不可道聽治法差互立見天傷勉之勉之

滯下三因證治

病者滯下人皆知赤為热白為寒而獨不知純下清血為風下如晝美汁為湿夫六氣之傷人初無輕重以暑热一氣燥

濕同源收而為四則寒熱風濕不可偏廢古方云風停於膚
腠後乘虛入客腸胃或下瘀血或下鮮血注下無度濕毒下
如豆羹汁皆外所因之明文也古方有五洩因臟氣鬱結隨
其所發使利膿血作青黃赤白黑之不同者即內所因也又
飲服冷熱酒醴醢醢縱情恣慾房室勞逸致損精血腸胃枯
溢久積冷熱遂成毒痢皆不內外因治之先推其歲運以平
其外察其鬱結以調其內審其所傷以治不內外使條然明
白不至妄投也

白頭翁湯治熱痢滯下二血連月不差

白頭翁 二兩 黃連

藥皮

秦皮 各三兩

右剉散每服四大錢水一盞半煎七分去滓服

桃花圓治冷痢腹痛下如魚腦白物

赤石脂 煨

乾姜 炮守分

右為末蒸餅糊丸米飲下三五十九

胃風湯治風冷乘虛入客腸胃水穀不化洩瀉注下腹脇虛
滿腸鳴疝痛及腸胃濕毒下如豆汁或下瘀血日夜無度
並宜服之方見失血門風痢下血證

露宿湯治風痢純下清血

杏仁 七粒去尖

若木 瘡大掌

烏梅 兩個

草菓 一個

酸石榴皮 條

青皮 兩個

甘草 二寸

右以咀作一劑水二椀生姜三片煎七分椀露星一宿
次早空心服

苦散治脾受濕氣泄利不止米穀不化

黃連

去須剉如豆

吳茱萸

白芍藥

剉如豆各二兩同炒令赤色

右為末每服二錢水一盞煎至七分溫服

駐車圓治冷熱下痢腸滑赤白如魚腦日夜无度腹痛不可忍者

黃連六兩 阿膠楚炒 當歸各三兩 乾姜炮二兩

右為末醋煮米糊為食如梧子大米飲下伍十圓至百

萬金圓治冷熱痢

罌粟殼一兩赤用蜜炙白不炙赤白雜半生半炙 橘皮 甘草並如上法各一兩

右剉散每服四錢以百沸湯七分盞急用盞蓋之候溫

澄清者服血痢入烏梅一个罌粟殼本草不說治痢近

用之極効其功不下地榆黃蘗秦皮但性緊澁服之則

嘔不可不知

固腸湯治腸虛下痢赤白頻併日久无度老幼產婦俱可服

罌粟殼參兩醋浸炙微黃 枳殼楚炒去穢 白芍藥略式

陳皮 當歸 甘草炙各壹兩 訶子煨去核

木香煨 人參 白姜炮各半兩

右剉散每服四錢水一盞半前七分去滓食前服

三聖圓治下痢赤白日夜无度及泄瀉注下

蘼皮大厚者去粗皮切 大蒜細切研 罌粟殼去穢細切各等分

右一处搗篩過粗者更搗同淹一宿次日慢火炒香熟

碾為末粟米飲糊丸如梧子大每服五十九米湯下

斷下湯治下痢赤白无間久近長幼皆可服

罌粟殼炙十四個去穢 草菓壹個不白木壹錢 甘草炙半錢

茯苓壹錢

右為剉散作一劑水一大碗姜七片棗七个煎至一大

蓋分二服空心或下純赤加黑豆二十七粒白則加炮乾姜一錢

厚腸湯治下痢赤白

聖藥殼 八兩 地榆 陸兩 白朮 紫蘇葉 乾木瓜 各三兩
右以咀每服四錢水盞半姜七片棗二个前七分去滓空心服

水菟木香圓治腸胃虛弱風濕進襲洩瀉水穀滯下膿血疔

刺疼痛裏急後重日夜无度

當歸洗

為藥

甘草炙

呵子 去核各半兩

厚朴 去粗皮切姜製

青皮

陳皮 各壹兩

縮砂仁

木香 炮各壹分

聖藥殼 切醋淹炒五兩

右為末蜜丸一兩作五丸每服一九水一盞煎七分空心

料簡

凡血得熱則淖溢故鮮得寒則凝泣故瘀當審其風熱風冷二證與蟲利大別外有血痔血枯內衄酒利肺疽腸胃蓄瘀遠近血等各有門類不可混雜古方去積冷積熱及水穀實而下利者並以大黃湯下之養生方亦云大則疎滌之更不知有寒熱風濕虛實不同後人尋即妄用被害者多吁可傷

秘結證治

夫胃大小腸膀胱者倉廩之本營之居也名曰噐能化糟粕轉味入出者也人或傷於風寒暑濕熱盛發汗利小便走枯津液致腸胃燥澁秘塞不通皆外所因或臟氣不平陰陽閉格亦使人大便不通名曰臟結皆內所因或飲食燥熱而成

熱中胃氣強澁大便堅秘小便頻數謂之脾約屬不內外因

既涉三因亦當隨其所因而治之燥則潤之澁則滑之秘則通之約則緩之各有成法

神功圓治氣壅風盛大便秘澁後重疼痛煩悶此藥當量虛實加減

大黃四兩 煨 蒸亦可 人參三兩 訶子皮四兩 麻仁別研

右為末煉蜜丸梧子大每服二十九溫湯溫酒米飲皆可服食後臨卧服

麻子仁圓治跌陽脉浮而澁浮則胃氣強澁則小便數浮澁相搏大便則堅其脾為約大便堅小便利而不渴

麻子仁五兩 研 芍藥 枳實煨 各八兩 大黃蒸 乙片

厚朴姜製 炒 半兩 杏仁去皮尖 炒 別研 五兩半

右為末煉蜜丸如梧子大每服二十九溫水下未知加

五十九一法麻仁一两半杏仁三分大黃一两枳實芍藥厚朴各半兩此依局方出本是漢方合用大黃枳殼一斤正得今二兩厚朴當用四兩杏仁當用六錢一字麻仁一两二錢半芍藥一两乃均制合理用當以理推

半硫圓治年高風秘冷秘心腹一切瘕癖冷氣暖元臟止泄瀉進飲食

硫黃研細 半夏湯洗七次 焙乾為末

右等分以生姜汁同熬炒餅末攪勻杵數百下丸如梧子大空心溫酒姜湯下三十九

胃氣圓治虛人老人風秘不通不可服涼藥用此妙方見霍亂門

蜜允法

蜜三合鹽少許煎如餲出冷水中捏如指大長三寸

許納下部立通

脫肛證治

肛門為肺下口主大腸肺臟實則熱二則肛門閉塞腑虛則大腸寒二則肛門脫出又婦人產辱用力過多及小兒叫呼及久利後皆使肛門滯出

蠟皮散治肛門或因洞泄或因用力脫出不收

蠟皮燒存性磁石煨半兩桂心半兩

右為末飲方寸匕忌葶重及房室時後治女人陰脫加
以驚頭乙枚煨灰研入

香荆散治肛門脫出大人小兒悉主之

香附子 荆芥穗 各等分

右為末每用三匙水一大椀煎十來沸淋

又方用五倍子為末每三錢水二椀煎減半入白丸一塊安小桶子內洗之立効

鐵粉散治脫肛歷年不愈

鐵粉研細每用少許摻之按令入即愈

又方用木賊不以多少燒存性

右細末摻肛門上按之

水聖散子治小兒脫肛不收用浮萍草不以多少

右杵為細末有患用藥乾貼

又方用磨刀水洗亦効

淋閉論

淋古謂之癰名稱不同也癰者罷也淋者滴也今名雖俗於義為得古方皆云心腎氣鬱致小腸膀胱不利復有冷淋濕

淋執淋等屬外所因既言心腎氣鬱而夫驚憂恐思即內所
因况飲啖冷熱房室勞逸及乘急忍溺多致此病豈非不內
外因三因備明五淋通貫雖證狀不一皆可類推所謂得其
要者一言而終也

淋證治

諸淋大率有五曰冷曰熱曰膏曰血曰石五種不同皆以氣
為本多因淫情交錯內外兼并清濁相干陰陽不順結在下
遂為淋閉

生附散治冷淋小便澀數起不通竅中疼痛增寒凜二多
因飲水過度或為寒泣心虛志耗皆有此證

附子去皮臍生用 滑石各半兩 瞿麥 木通各三分 半夏湯洗七次三分
右末每服二錢水二盞姜七片灯心二十莖蜜半匙煎

七分空心服

石韋散治熱淋多因腎氣不足膀胱有熱水道不通淋瀝不
宣出少起數脘腹急痛蓄作有時勞倦即發或尿如豆汁
或便出砂石

木通 石韋去毛各三兩 甘草 當歸 王不留行各壹兩
滑石 白朮 瞿麥 芍藥 葵子各三兩

右為末每服三錢煎小麥湯調下空心日三兼治大病
餘熱不解後為淋者

地膚子湯治下焦有熱及諸淋閉不通

地膚子三兩 知母 黃芩 猪苓去皮
瞿麥 枳實麩炒 升麻 通草
葵子炒 海藻洗去腥各二兩

右吹咀每服四錢水一盞半前七分去滓空心服大便俱閉者加大黃女人房勞小便難大腸滿痛脈沉細者用猪腎半隻水三盞煎盡半去腎下藥煎七分服

鹿角霜圓治膏淋多因憂思失志意舍不寧濁氣干清小便淋閉或復黃赤白黯如脂膏狀疲劇筋力或傷寒濕此多有

鹿角霜

白茯苓

秋石各等分

右為末糊丸梧子大每服伍拾丸米湯下

葎草汁治膏淋及尿血

葎草

右搗汁二升醋二合和空腹服一盞又濃煮汁飲亦治淋瀝尿血

立效散治血淋多因下焦結熱小便黃赤淋閉疼痛所出如

血或外挾風冷風熱或內傷志勞神或房室過度丹石發動便鮮赤者為風熱傷心瘀血者為風冷傷腎及大小便俱出血者

瞿麥穗一兩 甘草炙三分 山梔子半兩炒

右同為末每伍錢至七分水一椀入連須葱根七个灯心五拾莖生姜五片同煎七分時二溫服不拘時候既去血寒則瘀此藥未必勻治宜煎木通湯下麝香鹿茸丸兔絲子丸等所以養生方云不可專以血得熱則淖溢為說於理甚明不復詳引鹿茸丸兔絲子丸方見後虛損門

石燕圓治石淋多因憂鬱氣注下焦結所食鹹氣而成令人小便碇痛不可忍出砂石而後小便通

石燕子

燒令通赤水中淬一
兩次搗研水飛培乾 滑石

石葦子去毛

瞿麥穗各一兩

右為末糊九梧子太煎瞿麥灯心湯下十九食前服日
二三其即以石葦去毛瞿麥穗木通各四錢陳皮茯苓
各三錢為末每服三錢以水一觥煎七分去滓服

瞋眩膏治諸淋疼痛不可忍受及沙石淋

大蘿蔔切一指厚四五片好白蜜淹少時安淨鐵鏟上慢
火炙乾則再蘸蜜取尽或兩蜜翻覆炙令香軟不可焦候
温細嚼以盐湯一盞送下立效

沉香散治氣淋多因五内鬱結氣不得舒陰滯於陽而致壅

閉小腹脹滿使溺不通大便分洩小便方利
沉香不焙石葦去毛滑石 王不留行 當歸炒各

葵子炒

白芍藥

各壹甘草炙

橘皮各壹

右為細末每服或錢煎大麥飲調下米飲亦得食前服
髮灰散治飲食忍小便或走馬及房勞致胞轉脐下急滿不
乱髮不拘多少燒為灰

猪苓散治傷風感寒脉浮發熱渴欲飲水小便不利

猪苓去皮茯苓

澤瀉

阿膠炒

滑石碎研各

右咬咀每服四大錢水一盞半煎七分去滓不拘時服
五苓散治傷暑瘧熱小便不利煎茅根湯調甚妙方見傷暑

料簡

方書中所出淋病證狀不一所謂諸淋亦不能備尽若隨其

所因而命名如勞如驚如寒如濕如風如暑以至暴淋等雖無定論皆不出三因之所致也當詳此推治無施不可又有轉胞以胞系了戾小便不通證狀自別不可不辨然治之亦當利其小便古方令服腎氣八味丸其中有茯苓故也

遺尿失禁證治

經云膀胱不利為癃不約為遺尿者乃心腎氣傳送失度之所為也故有小澀而遺者有失禁而出不自知又婦人產辱產理不順致傷膀胱遺尿無時又小兒胞冷尿牀亦着成人者治之各有方

家韭子圓治少長遺尿及男子虛劇陽氣衰敗小便白濁夜

夢泄精此藥補養元氣進美飲食

家韭子六兩

炒鹿茸

四兩

茯苓酒浸

牛膝酒浸

熟地黃

當歸各式兩

巴戟去心

兔絲子

酒浸各壹兩半

杜仲去皮剉製

石斛去苗

桂心

乾姜

炮各壹兩

右為末酒糊為丸如梧子大每服五十丸加至百丸空心食前鹽湯溫酒下小兒遺尿者多因胞寒亦稟受陽氣不足故也別作小丸服

阿膠散治小便遺失不禁

阿膠式兩

炒牡礪

煨取粉

鹿茸

切酥炙各四兩

右咬咀每服四大錢水一盞煎七分空心服或作細末飲調亦好

張真君茯苓圓

治心腎氣虛神志不守小便淋瀝或不禁及

遺泄白濁

赤茯苓

白茯苓

各等分

右為末以新汲水接洗澄去新沫控乾別取地黃汁同
而好酒銀石器內熬成膏搜和為丸如彈子大空心益
酒嚼下常服輕身延年

雞肉金散治溺床失禁

雞腔脰 壹具并腸淨洗燒為灰
男用雌者女用雄者

右研細每服方寸匕酒飲調服

又方用羊肚系盛水令滿線縛兩頭熟煮取中水頓服

又方用猪胞洗淨鐵錘上炙香熟嚼細溫酒下

九虫論

古方論列臟腑中九虫雖未必皆有亦當備識其名狀若虵
虫則固不待言而知其它皆由臟虛雜食甘冷肥膩節宣不
時腐敗凝滯之所生也又有神志不舒精魄失守及五臟勞

熱又病餘毒氣血積鬱而生虫食果蔬而夫畜獸內臟遺留
諸虫子類而生不可具載亦猶生瘕殆非九数可尽姑列諸
例為文字者備

九虫例

九虫者一曰伏虫長四分為群虫之長二曰白虫長一寸相
生至多其母長至四五丈則殺人三曰內虫狀如爛杏令人
煩滿四曰肺虫其狀如蚕令人咳五曰胃虫狀如蝦蟆令人
吐逆嘔噦六曰弱虫狀如瓜瓣令人多唾七曰赤虫狀如生
肉令人腸鳴八曰蟻虫至微細狀如菜虫苦洞腸間多則為
痔漏癰疽諸瘡無所不為九曰虵虫長一尺貫心則殺人又
有尸虫與人俱生狀如犬馬尾或如薄筋依脾而居長三寸
許大害於人然多因臟虛寒勞熱而生治之各有方

九虫治法

烏梅圓治蛇厥令病者靜而後煩藏氣蛇上入膈故煩須更復上得食而嘔又煩者蛇聞食臭出其人自吐蛇

烏梅乙百五十个當歸

川椒去目細辛

附子炮去皮

桂心 人參

黃蘗各冬乾姜炮五黃連八兩

右為末以苦酒漬烏梅一宿去核蒸之五斗米下熟搗成泥和藥相得內臼中而蜜杵一二千下丸如梧子大食前飲服十九稍加至二十九

集效員治因臟腑虛弱或多食甘肥致蛇虫動作心腹絞痛發則腫聚往來上下痛有休止腹中煩熱口吐涎沫是蛇咬宜服此藥若積年不差服之亦愈又治下部有虫生痔瘻痒痛

木香

鶴虱炒

檳榔

訶子煨去核

益夷炒研

附子炮去皮

乾姜炒各七分

大黃剉炒壹兩半

右細末蜜員如梧子大每服三十九食前橘皮湯下婦人醋湯下

化虫員治寸白虫兼治諸虫

硫黃壹兩別研

木香半兩

蜜陀僧冬分別研附子生用裏去皮

右先以附子未用好醋一分熬成膏入三藥和丸如棗豆大每服二十員食前荆芥茶清放冷下虫即化為水

檳榔散治諸虫在臟腑久不差

檳榔一兩

右為末每服一錢至二錢煎茶蜜湯調下空心服

咳嗽叙論

人之所以滋養其身者唯氣與血呼吸定息衛氣之常失常則為咳嗽津液流潤榮血之常失常則為痰涎咳嗽吐痰氣血已亂矣顧世治嗽之藥極多而卒不能遍效者蓋其致病之因不一世謂五嗽且以五臟而言之要之內因七情外合六淫飲食起居房勞叫呼皆能單複綺互而為病故經云五臟六腑感寒熱風濕皆令人咳又微寒微咳厲風所吹聲嘶發咳熱在上焦咳為肺痿秋傷濕冬咳嗽皆外所因喜則氣散怒則氣激愛則氣聚思則氣結悲則氣緊恐則氣劫驚則氣亂皆能發咳即內所因其如飲食生冷房勞作役致嗽尤多皆不內外因其可一法而治之治之當推其三因隨脈證治療散之下之溫之吐之以平為期

外因證治

傷風咳者增寒壯熱自汗惡風口乾煩燥傷寒咳者增寒發熱無汗惡寒煩燥不渴傷暑咳者煩熱引飲口燥或吐涎沫聲嘶咯血傷濕咳者骨節煩疼四肢重著洒淅並屬外所因診其脈浮為風緊為寒數為熱細為濕隨其部位與人迎相應推其臟腑則見病源也

內因咳嗽證

喜傷心者咳而喉中介二如腫狀甚則咽腫喉痺名為心咳不已則小腸受之小腸咳狀與氣俱失怒傷肝者咳而兩脇下痛甚則不可不轉二則兩胛下滿者為肝咳不已則膽受之膽咳之狀咳嘔膽汁思傷脾者咳而右脇下痛陰引肩背甚則不可以動名為脾咳不已則胃受之胃咳之狀咳而嘔二甚則長虫出憂傷肺者咳而喘息有聲甚則唾血名為

肺咳不已則大腸受之大腸咳狀咳而遺尿恐傷腎者咳而腰背相引痛甚則咳涎名為腎咳不已則膀胱受之膀胱咳狀咳而遺尿久咳不已則三焦受之三焦咳狀咳而腹滿不欲食此等皆聚於胃關於肺二取脰愈最近故內因多先有所感世人並名肺咳嗽也並屬內所因診其脉隨其部位與氣相應浮緊則虛寒沉數則實熱弦濇則少血洪滑則多痰以此類推無施不可

不內外因咳嗽

病者咳嗽發作寒熱引腰背痛或復喘滿此因房勞傷腎病者中滿腹脹捨心痛不欲食此因飢飽傷脾病者咳嗽左脇徧疼引小腹并膝腕疼此因疲極傷肝病者咳嗽吐白涎口燥声嘶此因叫呼傷肺病者咳嗽煩熱自汗咽乾咯血此因

勞神傷心並屬不內外因診其脉隨其類假如尺脉浮濇而數則知傷腎右關脉濡則知飲食傷脾左關脉弦短則知疲極傷肝但不應人迎氣口者即是不內外因皆可類推

咳嗽治法

華蓋散治肺虛或感風寒暑濕及勞逸抑鬱憂思喜怒飲食飢飽致臟氣不平咳唾膿血漸成肺痿增寒發熱羸瘦困頓皮膚甲錯將成勞瘵

甜葶藶

半兩

苦葶藶

半兩

茯苓

紙隔炒

人參

細辛

乾姜

炮

桔梗

杏仁

去皮炙

紫苑

欵冬花

甘草

炙

陳皮

各壹分

右為細末用羊肺一个心血不透者切細研爛旋二入藥摻肺內再研勻藥及為度泥土墻上以濕紙七重蓋

覆每日去紙一重七日藥就候乾刮下再研羅為細末
每服二錢溫酒鹽湯調下米飲亦得空心日二服

五味子湯治秋冬之交皮膚為寒濕所薄寒氣內所咳嗽晝
夜不已

陳橘皮式兩 麻黃去節 甘草炙 杏仁去皮尖

五味子 白茯苓各壹兩

右為末每服二錢水一錢煎七分去滓帶熱服食後臨
卧日三服

白朮湯治五臟傷濕咳嗽痰涎增寒發熱上氣喘急

白朮式兩 五味子 茯苓各壹兩 甘草壹分

半下四个洗去滑

右剉分十六服水盞半姜五片入半下一片煎七分

空心服

丁香烏梅丸治膈氣壅蔽外感風寒咳嗽痰涎白沫胸背痛
不能俛仰口乾咽燥

烏梅肉津兩 紫蘇 木瓜各式兩 茯苓式兩

甘草式兩 檀香半兩 人參柒錢 麝香壹字

右為末用蜜壹片蠟式兩為丸如櫻桃大含化不以時
人參散治咳嗽肺虛不能制下大腸泄瀉上氣喘咳服熱藥
不效

人參 欬冬花 罌粟殼醋炙各等分

右以咀每服四大錢水壹觔半阿膠壹片烏梅半個同
煎七分去滓睡正着時急喚省服

太白丹治肺感寒發熱咳嗽无度

通明白礬石煨水飛過 寒水石各等分

右研勻炊餅糊食如雞頭大每服一食先嚼生姜胡桃各壹片令細吸太陽氣和藥噉仍用茶清或温酒送下

阿膠散治一切咳嗽虛人老人皆可服

阿膠麩炒 馬兜鈴各壹兩 五靈脂研 桑白皮各半

甘草炙壹分

右為末每服一錢水壹錢煎六分通口食後夜卧服

平氣飲治一切咳嗽吐痰涎惡風不能食

人參 白朮 川芎 當歸 五味子

甘草炙壹分 乾木瓜 紫蘇子炒伏神 烏藥去木

杏仁去皮尖麩炒 桂心 白芷各等分

右為末每服三錢水壹錢薑三片棗一个煎七分温服

杏仁煎治暴嗽失声不語

杏仁去皮尖 桑白皮 生姜取汁蜜 砂糖各一兩半

木通 貝母各壹兩 紫苑茸 五味子各壹兩

右將桑白皮木通貝母紫苑五味子為剉散以水參升慢火熬取壹升裂去滓入杏仁糖蜜姜汁微火熬成膏

旋含化

蛤蚧散治元氣虛寒上氣咳嗽久年不差

蛤蚧壹對炙 成煉鍾乳 欵冬花 肉桂

白凡飛過 甘草炙各半兩

右為末每服半錢用芦管吸之或煮咽乾即用米飲調下空心服

欵冬花散治傷風冷嗽諸未效者

款冬花不拘多少

右一味為麤末炒上燒以酒漏蓋吸嚙煙竟咽乾口燥以茶酒送下

白散子治久年咳嗽不愈者

附子 壹枚煨熟新水浸壹時久去皮臍培乾

右為末每服一錢白砂蜜二錢水一盞煎七分通口服

青金丹治肺虛壅咳嗽喘滿咯痰血

杏仁 去皮尖 壹兩 牡礪 煨取粉入杏仁同炒 青黛 壹兩 黃色去牡礪粉不用

右研勻入黃蠟一兩鎔搜和丸如彈子大壓扁如餅每用中日柿一个去核入藥在內濕紙裏煨約藥鎔方取出去火毒細嚼糯米飲送下方名甲乙餅治咳出血片兼涎內有血條不問年久月深但声在一服效用青

黛一分牡礪粉二錢匕杏仁七粒去皮尖研蟬負了湯使並同煎

僧伽應夢人參散治風壅痰嗽咯血及傷寒体熱頭痛

方見疫病門

神效散治老少喘嗽神效

杏仁 壹兩半 甘草 炙 旋覆花 各叁兩

蓮肉 去心皮 射干 米泔浸 前胡 御米 畧炒

百合 水浸 去沫 白扁豆 畧炒 川芎 各叁兩 人參

白茯苓 各肆 神麴 炒五兩 桑白皮 炙 乾葛 各六兩

桔梗 七兩

右細末每服二錢水一錢姜三片棗一个煎七分食前溫服

三因極一病證方論卷之十二終



卷一